



Broj: 06-08-1-3765-1/2022
Sarajevo, 24.11. 2022. godine

SVIM SUDOVIMA U BOSNI I HERCEGOVINI
N/r predsjednika sudova

PREDMET: Dostavljanje statističkih podataka o radu sudova za 2022. godinu i ocjenjivanje rezultata rada nosilaca pravosudnih funkcija u sudovima za 2022. godinu, *traži se*

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) poziva predsjednike sudova da dostave podatke o radu sudova za 2022. godinu i provedu postupak ocjenjivanja rezultata rada nosilaca pravosudnih funkcija u sudovima za 2022. godinu.

Napominjemo da će VSTV BiH, za potrebe izrade odgovarajućih dijelova Godišnjeg izvještaja VSTV BiH za 2022. godinu, iz Sistema za automatsko upravljanje predmetima u sudovima (CMS) preuzeti statističke podatke o radu sudova za prethodnu godinu. Podaci će se preuzeti iz CMS-a 17.01.2023. godine, nakon završetka radnog dana.

I. Dostavljanje statističkih podataka i narativnog izvještaja o radu sudova za 2022. godinu

Tabele za obračun pojedinačnih i kolektivnih radnih rezultata u sudu dostupne su na Internet adresi: <https://vstv.pravosudje.ba/vstvfo/B/141/article/106391>

Potrebno je da sudovi predmetne tabele preuzmu, popune i dostave VSTV-u BiH najkasnije do **01.02.2023. godine** isključivo elektronskim putem na e-mail adresu: vstvstatistika@pravosudje.ba.

Molimo da kantonalni sudovi u Sarajevu i Tuzli sa navedene Internet adrese preuzmu tabelu za obračun radnih rezultata pod rednim brojem 6a, dok će ostali kantonalni sudovi preuzeti tabelu za obračun radnih rezultata pod rednim brojem 6.

Za tačnost i blagovremenost podataka u CMS-u i dostavljenih podataka u tabelama za obračun radnih rezultata u sudu odgovorni su predsjednici sudova.

Podsjećamo da su sudovi obavezni pripremiti izvještaj o radu suda za 2022. godinu u skladu sa **Smjernicama VSTV-a BiH** za izradu godišnjeg narativnog izvještaja o radu suda, koje se mogu preuzeti na gore navedenoj Internet adresi. S tim u vezi, Smjernice su dopunjene na način da je predviđeno da narativni izvještaj sadrži informaciju predsjednika općinski, osnovnih i Osnovnog suda Brčko distrikta BiH o održanom sastanku sa notarima koji postupaju u ostavinskim predmetima kao povjerenici suda.

Sudovi su dužni dostaviti ovaj izvještaj VSTV-u BiH do 15.02.2023. godine, na slijedeću e-mail adresu: vstvstatistika@pravosudje.ba.

Napominjemo, na navedenoj Internet adresi postavljene su i Smjernice za objavljivanje tužilačkih i sudskih odluka na službenim web stranicama i Tabela za objavljivanje sudskih odluka koju će sudovi koristiti prilikom izvještavanja VSTV BiH o načinu komuniciranja sa javnošću, uključujući i

informisanje o objavi odluka u 2022. godini. Popunjenu Tabelu za objavljivanje sudskih odluka sudovi će dostaviti do 01.02.2023. godine na prethodno navedenu e-mail adresu uz tabele za obračun pojedinačnih i kolektivnih radnih rezultata u sudu.

II. Ocjenjivanje rezultata rada nosilaca pravosudnih funkcija u sudovima za 2022. godinu

Kriteriji za ocjenjivanje rada nosilaca pravosudnih funkcija u sudovima u BiH i obrasci za ocjenu rada nosilaca pravosudnih funkcija u sudovima za 2022. godinu dostupni su na Internet adresi: <https://vstv.pravosudje.ba/vstvfo/B/141/article/106391>

VSTV BiH je na sjednici održanoj 09.11.2022. godine usvojio **Uputstvo za primjenu Kriterija za ocjenjivanje rada predsjednika sudova u Bosni i Hercegovini i Kriterija za ocjenjivanje rada sudija u Bosni i Hercegovini (u daljem tekstu: Uputstvo)** broj 06-02-3-3659-1/2022, a koje je dostavljeno svim sudovima putem elektronske pošte dana 21.11.2022. godine i dostupno je na gore navedenoj Internet adresi. Uputstvo je usvojeno kako bi se osiguralo da ocjenjivači na jedinstven način i pravilno primjene kriterije za ocjenjivanje u svim sudovima u Bosni i Hercegovini.

Nadalje, ukazuje se na odredbu člana 3. Uputstva kojom je razrađena obaveza ocjenjivača da provede adekvatnu analizu rada i potpuno dokumentuje na odgovarajućim obrascima relevantne informacije i pokazatelje na osnovu kojih je izvršena dodjela bodova ocjenjivanom nosiocu pravosudne funkcije po pojedinim elementima ocjene rada. U tom pogledu, istom odredbom Uputstva predviđen je način na koji će Stalna komisija za efikasnost i kvalitet sudova vršiti nadzor nad postupanjem ocjenjivača u provođenju postupka ocjenjivanja.

U vezi sa primjenom Uputstva posebno skrećemo pažnju na slijedeće:

1. Kolektivna orijentacijska norma suda (član 5. Uputstva)

Članom 5. Uputstva je predviđen izuzetak na način da se rezultati pojedinih nosilaca pravosudnih funkcija ne uzimaju u obzir kod obračuna kolektivne orijentacijske norme suda. U vezi s tim potrebno je obratiti pažnju na napomenu sadržanu u Tabeli o ostvarenoj orijentacijskoj normi koja se odnosi na način unosa podataka o ostvarenoj orijentacionoj normi za svakog nosioca pravosudne funkcije u sudu.

2. Statistički kvalitet odluka (član 6. Uputstva)

Podsjećamo, instancioni sudovi imaju obavezu da vode odgovarajuće evidencije sadržane u tabeli Podaci o ukinutim odlukama ili odlukama koje se smatraju ukinutim a koje se neće uzimati u obzir kod izračuna statističkog kvaliteta odluka, i najkasnije do **10.01.2023. godine**, dostave podatke neposredno nižim sudovima i VSTV BiH o odlukama iz člana 17. stav (3) Kriterija za ocjenjivanje rada sudija u Bosni i Hercegovini i člana 20. stav (3) Kriterija za ocjenjivanje rada predsjednika sudova u Bosni i Hercegovini. Nižestepeni sudovi u broj ukinutih odluka prilikom računanja procenta ukinutih odluka iz člana 17. stav (1) tačka a) i b) Kriterija za ocjenjivanje rada sudija i člana 20. stav (1) tačka a) i b) Kriterija za ocjenjivanje rada predsjednika sudova, neće uzimati u obračun odluke evidentirane u tabeli dostavljenoj od strane višeg suda.

3. Element ocjene Ažurnost rada (član 8. Uputstva)

Ukazujemo da je članom 8. Uputstva propisana obaveza ocjenjivača da u Obrascu broj 5. (Obrazac – Ažurnost i efikasnost rada sudija iz člana 18. stav (1) tačka b) Kriterija za ocjenjivanje rada sudija u BiH) i Obrascu broj 6. (Obrazac – Ažurnost i efikasnost rada predsjednika suda iz člana 21. stav (1) parametar b) Kriterija za ocjenjivanje predsjednika sudova u BiH) navede izvore informacija korištene pri analizi rada ocjenjivanog nosioca pravosudne funkcije, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada.

4. Element ocjene Posebni slučajevi ocjenjivanja (član 9. Uputstva)

Naglašavamo da su članom 9. Uputstva razjašnjenja različita pitanja u vezi sa dodjelom dodatnih bodova po osnovu parametara za Posebne slučajeve ocjenjivanja iz člana 20. Kriterija za ocjenjivanje rada sudija u BiH i člana 26. Kriterija za ocjenjivanje rada predsjednika sudova u BiH. U tom kontekstu, ukazujemo na odredbe iz člana 9. stav (5), (6) i (7) Uputstva kojima je pojašnjen način ocjenjivanja sudija koji su rješavali predmete srednjeg i visokog nivoa korupcije i organizovanog kriminala.

5. Organizacija i rukovođenje radom suda (član 10. Uputstva)

Ukazujemo da je članom 10. Uputstva propisana obaveza ocjenjivača da u Obrascu broj 7. (Organizacija i rukovođenje radom suda iz člana 24. stav (1) parametar a) Kriterija za ocjenjivanje predsjednika sudova u BiH) navede izvore informacija korištene pri analizi rada ocjenjivanog predsjednika suda, odnosno donošenja odluke o dodjeli bodova kao i detaljno obrazloži razloge dodjele određenog broja bodova po ovom elementu ocjene rada.

6. Stručni saradnici u općinskim sudovima (član 12. Uputstva)

Odredbom člana 12. Uputstva je pojašnjeno da se rad stručnih saradnika koje imenuje VSTV BiH u općinske sudove ne ocjenjuje prema Kriterijima za ocjenjivanje rada sudija u Bosni i Hercegovini. Međutim, članom 12. stavom (2) Uputstva je propisano da će se njihovi radni rezultati u pogledu elemenata koji su predviđeni Kriterijima za ocjenjivanje rada sudija u Bosni i Hercegovini unijeti u gore pomenute Tabele za obračun pojedinačnih i kolektivnih radnih rezultata u sudu i na taj način isti će biti uzeti u obzir u okviru kolektivnih rezultata suda.

7. Mjere za unapređenje rada (član 13. Uputstva)

Također napominjemo da je ocjenjivač dužan za nosioca pravosudne funkcije koji je ocijenjen ocjenom rada „nezadovoljavajuće obavlja funkciju” ili „zadovoljavajuće obavlja funkciju” popuniti Obrazac broj 4., i Obrazac broj 4a (Izveštaj ocjenjivača VSTV BiH) u skladu sa članom 13. Uputstva.

8. Rok za provođenje postupka ocjenjivanja i postupanje sudova u bazi VSTV BiH

U skladu sa članom 4. stav (1) Pravilnika o postupku ocjenjivanja rada predsjednika sudova, sudija i stručnih saradnika (broj 06-02-3-3488/2016 od 14.12.2016. godine i broj 06-08-1-3284/2018 od 23.10.2018. godine) postupak ocjenjivanja rada je potrebno završiti i unijeti obrasce za ocjenjivanje rada u bazu podataka VSTV-a BiH najkasnije **do 01.03.2023. godine**. Stalna komisija nadležna za nadzor nad ocjenjivanjem rada nosilaca pravosudnih funkcija u sudovima (Stalna komisija za efikasnost i kvalitet sudova), shodno članu 4. stav (5) Pravilnika je dužna izvijestiti VSTV BiH o ocjenjivačima koji propuste da blagovremeno provedu postupak ocjenjivanja.

Smatraće se da je ocjenjivanje rada okončano nakon što predsjednik suda o tome dostavi obavještenje na e-mail adresu vstvpravosudnauprava@pravosudje.ba. Ovo obavještenje će se bez odlaganja dostaviti VSTV-u BiH na Obrascu broj 3. koji je uvršten u materijale za ocjenjivanje rada na gore navedenoj Internet adresi. Posebno skrećemo pažnju na odredbu člana 14. Uputstva kojom je predviđeno da se obrasci iz člana 8. stav (2), člana 10. stav (2) i člana 13. Uputstva unose u bazu podataka VSTV BiH uz obrazac za ocjenjivanje rada nosilaca pravosudnih funkcija, shodno Uputstvu za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada predsjednika sudova i sudija u bazu podataka VSTV-a BiH.

U cilju efikasnog provođenja postupka izvještavanja o radu suda i ocjenjivanja rezultata rada nosilaca pravosudnih funkcija u sudu, **neophodno je da se blagovremeno upoznaju sa ovim dopisom i svim materijalima koji će se koristiti u ovom postupku:** predsjednik suda, nosioci

pravosudne funkcije u sudu, sekretar suda i drugi zaposlenici u odjeljenju sudske uprave, šef pisarnice i odgovorni zaposlenici u pisarnici suda i IKT službenici suda. Od izuzetne je važnosti da se osigura da IKT službenici u sudovima postupaju u skladu sa Uputstvom za popunjavanje elektronskog obrasca u bazi podataka VSTV-a BiH i unos skeniranih obrazaca za ocjenjivanje rada predsjednika sudova, predsjednika sudskih odjeljenja i sudija u bazu podataka VSTV-a BiH.

Eventualna pitanja u vezi materijala za postupak izvještavanja o radu suda i ocjenjivanja rezultata rada nosilaca pravosudnih funkcija u sudu možete dostaviti putem e-mail adrese vstvpravosudnauprava@pravosudje.ba najkasnije do 26.12.2022. godine.

Za sve dodatne informacije u vezi sa pripremanjem traženih statističkih podataka za 2022. godinu i provođenjem postupka ocjenjivanja rezultata rada nosilaca pravosudnih funkcija molimo Vas da kontaktirate Odjel za pravosudnu analitiku i izvještavanje putem naprijed navedene e-mail adrese.

S poštovanjem,

Predsjednik VSTV BiH

Halil Lagumdžija

Dostaviti:

- Naslovu,
- Sekretarima sudova,
- Šefovima pisarnica,
- IKT službenicima u sudovima,
- Jedinici za efikasnost sudova u VSTV BiH,
- Odjelu za IKT Sekretarijata VSTV BiH,
- Odjelu za imenovanje i napredovanje Sekretarijata VSTV BiH.

